

四庫全書

子部

欽定四庫全書

子部
類經圖翼卷八

詳校官太醫院院使臣張肇基

編修臣倉聖脈覆勘

總校官知縣臣楊懋珩

校對官中書臣稽承志

謄錄監生臣胡宗高

欽定四庫全書

類經圖翼卷八

明 張介賓 撰

經絡六

足少陽膽經穴

膽經穴歌

足少陽經瞳子膠四十三穴行迢迢聽會客主頷厭
集懸顱懸釐曲鬢翹率谷天衝浮白次竅陰完骨本

神至陽白臨泣開目窻正營承靈腦穴是風池肩井
淵腋長輒筋日月京門鄉帶脉五樞維道續居膠環
跳下中瀆陽關陽陵復陽交外丘光明陽輔高懸鍾
丘墟足臨泣地五俠谿竅陰畢

瞳子膠

一名太陽
一名前關

在目外去眥五分○手太陽手足

少陽三脉之會○刺三分灸三壯

主治頭痛目癢外眥赤痛翳膜青盲遠視眦眦淚出多眵
一云兼少澤能治婦人乳腫

聽會

一名聽河
一名後關

在耳前陷中客主人下一寸動脈宛

宛中去耳珠下開口有空側臥張口取之○刺四分

灸三壯

主治耳聾耳鳴牙車脫臼齒痛中風痰癡喎斜

玉龍賦云治耳聾腮腫

席弘賦云耳聾鍼聽會更瀉迎香功如神○又云兼

金門治傷寒兩耳聾

百證賦云兼翳風治耳聾氣閉

客主人

一名上關

在耳前起骨上廉開口有空側臥張口

取之○手足少陽足陽明三脉之會○本輸篇曰刺之則喏不能欠者即此穴○刺一分留七呼灸三壯甲乙經曰刺太深令人耳無聞一曰禁刺一曰刺上關不得深下關不得久

主治口眼偏斜耳聾耳鳴暝耳目眩齒痛瘕癥口喏不能嚼物

頷厭

在耳前曲角顛顛上廉

即腦空之上

○手足少陽足

陽明之會○刺三分留七呼灸三壯氣府論註曰刺
深令人耳無所聞

主治頭風偏頭頸項俱痛目眩耳鳴多嚏驚癇歷節
風汗出

百證賦云兼懸顛治偏頭痛

懸顛 在耳前曲角上顛顛之中○寒熱病篇曰足陽
明有挾鼻入於面者名曰懸顛是此為足少陽陽明
之會故氣府論註為足陽明脉氣所發○刺三分留

三呼灸三壯

主治頭痛齒痛偏頭痛引目熱病汗不出

百證賦云兼頷厭治偏頭痛

懸釐 在耳前曲角上顛顛下廉○手足少陽陽明四
脉之會○刺三分留七呼灸三壯

主治偏頭痛面腫目銳背痛熱病煩心汗不出

曲鬢 在耳上入髮際曲隅陷中鼓頷有空○足太陽
少陽之會○刺三分灸三壯

主治頷頰腫引牙車不得開口噤難言項強不得顧
頭角痛巔風目眇

率谷 在耳上入髮際一寸半陷中嚼牙取之○足太
陽少陽之會○刺三分灸三壯

主治腦痛兩頭角痛胃膈寒痰煩悶嘔吐酒後皮風
膚腫

神農經云治頭風兩角疼痛可灸三壯至五壯小兒
急慢驚風灸三壯炷如小麥

天衝 在耳後入髮際二寸一日在耳上如前三分○

足太陽少陽之會○刺三分灸三壯

主治癩疾風痙牙齦腫驚恐頭痛

百證賦云兼大橫治反張悲哭

浮白 在耳後入髮際一寸○足太陽少陽之會○刺

三分灸三壯

主治欬逆胸滿喉痺耳聾齒痛項癭痰沫不得喘息

肩臂不舉足不能行

百證賦云專治癭氣

一傳治眼目四時疼痛頭風痛

竅陰

一名枕骨

在完骨上枕骨下搖動有空○足少陽太

陽之會○刺三分灸三壯

主治四支轉筋目痛頭項痛耳鳴癰疽發熱手足煩
熱汗不出欬逆喉痺舌強脇痛口苦

完骨 在耳後入髮際四分○足太陽少陽之會○刺
三分留七呼灸三壯

主治頭痛頭風耳鳴齒齩牙車急口眼喎斜喉痺頰腫癭疾便赤足痿不收

本神 在曲差旁一寸五分一曰直耳上入髮際四分

○足少陽陽維之會○刺三分灸七壯

主治驚癇吐沫目眩項強急痛胸脇相引不得轉側

偏風癲疾

百證賦云兼身柱治癲疾效

陽白 在眉上一寸直瞳子○甲乙經曰足少陽陽維

之會氣府論王氏註曰足陽明陰維二脉之會○刺二分灸三壯

主治頭痛目昏多眵背寒慄重衣不得溫

臨泣 在目上直入髮際五分陷中正睛取之○足太陽少陽陽維三脉之會○刺三分留七呼灸三壯一曰禁灸

主治鼻塞目眩生翳眵冷淚眼目諸疾驚癇反視卒暴中風不識人脇下痛瘧疾日西發

百證賦云兼頭維可治目中淚出

目窻

一名至榮

在臨泣後一寸○足少陽陽維之會○刺

三分灸五壯

主治頭目眩痛引外背遠視不明面腫寒熱汗不出

正營 在目窻後一寸○足少陽陽維之會○刺三分

灸三壯

主治頭痛目眩齒齟痛脣吻強急

承靈 在正營後一寸五分○足少陽陽維之會○刺

三分灸五壯一曰禁鍼

主治腦風頭痛惡風鼻塞不通

腦空

一名顯顯

在承靈後一寸五分夾玉枕骨下陷中氣

府論王氏註曰夾枕骨後枕骨上○足少陽陽維之會○刺四分灸五壯

主治勞瘵身熱羸瘦腦風頭痛不可忍項強不得顧目瞑鼻衄耳聾驚悸癩風引目眇鼻痛昔魏公苦患頭風發即心亂目眩華陀刺此立愈

風池 在耳後顛顛後腦空下髮際陷中按之引耳一

云耳後陷中後髮際大筋外廉○足少陽陽維之會
○刺四分灸三壯七壯炷不用大

主治中風偏正頭痛傷寒熱病汗不出痲瘧頸項如
拔痛不得回目眩赤痛淚出聾耳聾腰背俱痛
偃僂引項筋力不收脚弱無力

千金云治癭氣灸百壯

太乙歌云兼環跳間使治瘧疾○又云兼風府取之

治傷寒

玉龍賦云兼絕骨可療偃僂

席弘賦云尋到風府風池治傷寒百病

通玄賦云頭暈目眩覓風池

捷徑云治溫病煩滿汗不出

一傳治中風不語牙關緊閉湯水不能入口

肩井

一名膊井

在肩上陷解中缺盆上大骨前一寸半以

三指按取之當中指下陷者中○手足少陽足陽明

陽維之會○刺五分灸三壯孕婦禁鍼○一曰此足陽明之會連五藏氣若刺深令人悶倒速補三里項臑平復凡鍼肩井者皆以三里下其氣一曰此藏氣所聚之處不宜補

主治中風氣塞涎上不語氣逆五勞七傷頭項頸痛臂不能舉或因撲傷腰痛脚氣上攻若婦人難產墜胎後手足厥逆鍼之立愈若灸更勝

千金云凡產難鍼兩肩井一寸寫之須臾即生○又

云臂重不舉灸隨年壯至百壯刺五分補之○又
治卒忤灸百壯○又治上氣欬逆短氣風勞百病
灸二百壯○又灸癩疔隨年壯

席弘賦云鍼肩井須鍼三里方可使氣調

百證賦云治乳癰極效

通玄賦云除兩臂之不勝

標幽賦云兼曲池甄權刺臂痛而復射

天星秘訣云兼三里陽陵治腳氣痠痛

淵腋

一名泉腋

在腋下二寸宛宛中舉臂取之○刺三分

禁灸灸之不幸生腫蝕馬刀瘍內潰者死

主治寒熱馬刀瘍胸滿無力臂不舉

輒筋

在腋下三寸復前行一寸着脇○刺六分灸三

壯

主治太息多唾善悲言語不正四支不收嘔吐宿汁

吞酸胸中暴滿不得臥

日月

一名神光

在期門下五分○氣府論註曰在第三肋

端橫直心蔽骨旁各同身寸之二寸五分上直兩乳

○膽之募也○足太陰少陽陽維之會○刺七分灸

五壯

主治太息善悲小腹熱欲走多唾言語不正四支不

收

千金云嘔吐宿汁吞酸灸神光百壯三報之

京門

一名氣俞
一名氣府

在監骨腰中季脇本夾脊一云在臍

上五分旁九寸半季肋本夾脊倒臥屈上足伸下足

舉臂取之○腎之募也○刺三分留七呼灸三壯一
云刺八分

主治腸鳴洞泄水道不利少腹急痛寒熱臙脹肩背
腰髀引痛不得悅仰久立

帶脉 在季脇下一寸八分陷中一云在臍旁八寸半
肥人九寸瘦人八寸如帶繞身管束諸經○足少陽
帶脉之會○刺六分灸五壯

主治腰腹縱水狀婦人小腹痛急瘕瘕月經不調帶

下赤白兩脇氣引背痛

玉龍賦云合關元多灸堪攻腎敗

五樞 在帶脉下三寸一曰在水道旁一寸半陷中○

足少陽帶脉之會○刺一寸灸五壯

主治疰癖小腸膀胱氣攻兩脇小腹腰痛腿痛陰疝

舉丸上入腹婦人赤白帶下

玉龍賦云兼背縫治肩脊痛

維道

一名外樞

在章門下五寸三分一曰在中極旁八寸

五分○足少陽帶脈之會○刺八分灸三壯

主治嘔逆不止三焦不調不食水腫

居膠 在章門下八寸三分監骨上陷中○足少陽陽

蹻之會○刺八分灸三壯

主治肩引胸臂攣急不得舉腰引小腹痛

玉龍賦云兼環跳委中治腿風濕痛

環跳 在髀樞中側臥伸下足屈上足取之○足少陽

太陽之會○刺一寸留十呼灸三壯甲乙經云留二

十呼灸五十壯

主治冷風濕痺不仁胸脇相引半身不遂腰膝痠痛
膝不得伸遍身風疹

太乙歌云兼風池間使能除冷風膝痺并瘧疾

玉龍賦云無居髀委中治腿風濕痛

天星秘訣云兼陽陵治冷風濕痺

百證賦云兼後谿刺腿痛

標幽賦云中風宜刺此○又云華陀兼絕骨刺躡足

而立行

席弘賦云兼腰俞用燒鍼治冷風冷痺

千金十一穴云兼陽陵治膝間并腋脇病

馬丹陽天星十二穴云能鍼偏廢軀折腰莫能顧冷
風并濕痺身體似繩拘腿胯連膈痛屈轉重欬吁
若人能鍼灸頃刻病消除○增治法云治偏風半
身不遂胸脇相引急痛不能屈伸

中瀆 在髀骨外膝上五寸分肉間陷中○足少陽絡

別走厥陰○刺五分留七呼灸五壯

主治寒氣客於分肉間攻痛上下筋痺不仁

陽關 在陽陵泉上三寸犢鼻外陷中○刺五分禁灸
主治風痺不仁股膝冷痛不可屈伸

陽陵泉 在膝下一寸外廉陷中尖骨前筋骨間蹲坐
取之○足少陽所入為合○為筋之會○刺六分留
十呼灸七壯至七七壯

主治偏風半身不遂足膝冷痺不仁無血色脚氣筋

攣

神農經云治足膝冷痺不仁屈伸不得半身不遂脇
肋疼痛可灸十四壯至二十一壯

玉龍賦云兼陰陵驅膝腫之難消

席弘賦云專治膝間疼痛宜用鍼燒○又云脚痛膝
腫鍼三里又須絕骨二陵三陰交更兼太衝以行
氣

百證賦云遠達曲池治半身不遂

通玄賦云治脇下肋邊疾

天星秘訣云兼環跳治冷風濕痺○又云兼肩井三里治脚氣痠痛

千金十一穴云環跳與陽陵治膝前兼腋脇病

馬丹陽天星十二穴云治膝腫并麻木冷痺及偏風起坐腰背重面腫滿胸中舉足不能起坐臥似衰翁刺入六分止神功妙不同○增治法云治筋軟筋縮筋疼寒熱頭疼口舌咽喉中及頭面腫胸脇

脹滿心中怵惕此為筋會故治筋病

陽交

一名別陽
一名足髁

在足外踝上七寸斜屬三陽分肉間

○陽維之郄○刺六分留七呼灸三壯

主治胸滿喉痺膝痛足不仁寒厥驚狂面腫

外丘 在外踝上七寸○甲乙經曰足少陽郄○刺三

分灸三壯

主治頸項痛胸滿痿痺癩風惡犬傷毒不出

百證賦云能收大腸

光明 在外踝上五寸○足少陽絡別走厥陰○刺六
分留七呼吸五壯

主治熱病汗不出卒狂嚙頰淫滌脛脗痛不能久立
虛則痿痺偏細坐不能起實則足脗熱膝痛身體
不仁

席弘賦云晴明治眼未效時合谷光明不可缺
標幽賦云兼地五會治眼癢痛

陽輔一名分肉 在足外踝上除骨四寸輔骨前絕骨端如

前三分刺腰痛論註曰如後二分去丘墟七寸肌肉
分間○氣穴論註曰陽維脉氣所發○足少陽所行
為經○刺三分留七呼吸三壯

主治腰溶溶如水浸膝下膚腫筋攣百節痠疼痿痺
馬刀厥逆頭項痛喉痺汗不出及汗出振寒痲瘧
腰脘痠痛不能行立

神農經云治膝脘痠疼偏風不隨可灸十四壯

懸鍾一名絕骨

在足外踝上三寸當骨尖前動脈中尋按

取之鍼灸經曰尋摸尖骨者乃是絕骨兩分開為足
三陽之大絡按之陽明脉絕乃取之○為髓之會○
刺六分留七呼灸五壯

主治心腹脹滿胃熱不食喉痺欬逆頭疽中風虛勞
頸項痛手足不收腰膝痛脚氣筋骨攣

玉龍賦云兼三里陰交治連延脚氣○又云兼風池
療偃僂

席弘賦云脚氣膝腫鍼三里又須此穴兼二陵三陰

交及太衝行氣

標幽賦云兼環跳華陀刺躡足而立行
天星秘訣云無條口衝陽治足緩難行

丘墟 在足外踝下如前陷中去臨泣三寸○足少陽
所過為原○刺五分留七呼灸三壯

主治胸脇滿痛不得息寒熱目生翳膜頸腫久瘡振
寒痿厥腰腿痠痛髀樞中痛轉筋足脛偏細小腹
堅卒疝

神農經云治肋下疼不得息小腹腎痛脚腕疼可灸

七壯

玉龍賦云兼高丘解谿堪追脚痛

靈光賦云髀樞疼痛寫丘墟

百證賦云兼金門能醫轉筋

臨泣 在足小指次指本節後間陷中去夾谿一寸五分○足少陽所注為膈○刺二分留五呼灸三壯

主治胸滿氣喘目眩心痛缺盆中及腋下馬刀瘍痺

痛無常厥逆痰瘧日西發者淫灑疔痲洒淅振寒
婦人月經不利李協支滿乳癰

一云木有餘者宜寫此或兼陽輔使火虛而木自
平

千金云頸漏腋下馬刀灸百壯

玉龍賦云兼內庭能理小腹之臍

捷法云治足跗腫痛不消手足麻痺不知痛癢手足
顫掉不能握物行動手足指拘攣疼痛足心足踝

足跗膝脗發熱或為紅腫兩手發熱臂膊痛連肩
背腰脊腿胫疼痛白虎歷節走注遊風疼痛浮風
渾身搔癢頭項紅腫強痛腎虛挫閃腰痛舉動艱
難諸虛百損濕滯四支行動無力脇下肝積氣塊
刺痛○已上諸證先以臨泣為主後隨證分穴治
之

地五會 在足小指次指本節後陷中去俠谿一寸○
刺一分禁灸甲乙經曰灸之令人瘦不出三年死

主治腋痛內損吐血足外無膏脂乳癰

席弘賦云兼三里治耳內蟬鳴腰欲折

標幽賦云兼光明治眼癢眼疼

天星秘訣耳內蟬鳴先五會次鍼耳門三里內

俠谿 在足小指次指本節前歧骨間陷中○足少陽

所溜為榮○刺三分留三呼灸三壯

主治胸脇支滿寒熱病汗不出目赤頷腫胸痛耳聾

百證賦云兼陽谷治頷腫口噤

竅陰 在足小指次指端去爪甲如韭葉○足少陽所
出為井○刺一分留三呼灸三壯

主治脇痛欬逆不得息手足煩熱汗不出癰疽口乾
頭痛喉痺舌強耳聾轉筋肘不能舉

足厥陰肝經穴

肝經穴歌

足厥陰經一十四大敦行間太衝是中封蠡溝伴中
都膝關曲泉陰包次五里陰廉上急脉章門財過期

門至

大敦 在足大指端去爪甲如韭葉及三毛中一云內
側為隱白外側為大敦○足厥陰所出為井○刺二
分留十呼灸三壯

主治卒心痛汗出腹脹腫滿中熱喜寐五淋七疝小
便頻數不禁陰痛引小腹陰挺出血崩尸厥如死
病左取右病右取左孕婦產前產後皆不宜灸○
一云凡疝氣腹脹足腫者皆宜灸之以泄肝木而

脾胃之土自安

玉龍賦云兼期門能治堅痲疝氣

千金云大便難灸四壯○又治五淋灸三十壯○又
失尿不禁灸七壯小兒灸一壯○又尿血灸隨年
壯

席弘賦云大便秘結宜燒此

百證賦云兼照海善蠲寒證

通玄賦云能除七疝之偏墜

天星秘訣云無長強治小腸氣痛

乾坤生意云無三陰交治小腸氣痛○又治一切冷

氣連臍腹結痛小便遺溺

行間 在足大指間動脈應手陷中一云在足大指次
指岐骨間上下有筋前後有小骨尖其穴正居陷中
有動脈應手○足厥陰所溜為榮○刺三分留十呼
灸三壯

主治嘔逆欬血心胸痛腹脇脹色蒼蒼如死狀終日

不得息中風口喎四逆噎乾煩渴瞑不欲視目中
淚出太息癩疾短氣肝積肥氣痰瘧洞泄遺尿癰
閉崩漏白濁寒疝少腹腫腰痛不可俛仰小兒驚
風○一日主便赤溺難白濁胸背心腹脹痛寫行
間火而熱自清木氣自下

神農經云治小腹脹心疼寒濕肺氣可灸七壯

千金云小兒重舌灸行間隨年壯○又莖中痛灸五
十壯○又失尿不禁灸七壯

百證賦云無精明可治雀目汗氣○又云無湧泉療消渴

通玄賦云治膝腫腰疼

捷法云兼臙中水分關元三里三陰交治血蠱

太衝 在足大指本節後二寸

一寸五分

內間陷者中動

脉應手一云在足大指本節後行間上二寸內間有絡亘連至地五會二寸骨罅間動脉應手陷中○足

厥陰所注為踰即原也○刺三分留十呼吸三壯

主治虛勞嘔血恐懼氣不足嘔逆發寒肝瘧令人腰
痛嗌乾胸脇支滿太息浮腫小腹滿腰引少腹痛
足寒或大小便難陰痛遺溺溇泄小便淋癢小腹
疝氣腋下馬刀瘍癭疔痠疼女子月水不通或
漏血不止小兒卒疝

神農經云治寒濕腳氣痛行步難可灸三壯

千金云產後出汗不止刺太衝急補之○又云凡上
氣冷發嘔逆不食腹中雷鳴不限壯數從痛灸至

不痛止炷如雀矢○又治氣短下氣灸五十壯此
穴并主肺痿○又治不得尿灸五十壯○又治虛
勞浮腫灸百壯

席弘賦云無合谷治并連肩脊痛難忍○又無百會
照海陰交治咽喉疾○又治脚痛膝腫鍼三里懸
鍾三陰交二陵更向太衝引氣

標幽賦云能除心脹咽痛

通玄賦云治行步難移最奇

馬丹陽天星十二穴云能治生死病能醫驚癇風咽
喉并心脹兩足不能動七疝偏墜腫眼目似雲矇
亦能療腰痛鍼下有神功

中封

一名懸泉

在足內踝前一寸筋裏宛宛中一云在內

踝前一寸斜行小脉上貼足腕上大筋陷中仰足取
之○足厥陰所行為經○刺四分留七呼灸三壯千
金云五十壯

主治痰瘧色蒼蒼然善太息如將死狀振寒溲白大

便難小腹腫痛五淋足厥冷不嗜食身體不仁寒
疝痿厥筋攣失精陰縮入腹相引痛或身微熱○
一云能止汗出

千金云夢泄遺精陰縮灸五十壯○又治五淋不得尿灸
二七壯○又治鼓脹灸二百壯○又治瘦氣灸隨年壯
玉龍賦云合三里治行步艱楚

蠡溝一名
交儀

在足內踝上五寸○足厥陰絡別走少陽

○刺二分留三呼灸三壯

主治疝痛小腹滿痛癢閉臍下積氣如石數噫恐悸
少氣足脛寒痠屈伸難腰背拘急不可俛仰月經
不調溺下赤白

中都

一名中郛

在足內踝上七寸當胫骨中與少陰相直

○足厥陰郛○刺三分留六呼吸五壯

主治腸癖癢疝小腹痛濕痺足熱脛寒不能行立婦
人崩中產後惡露不絕

膝關 在犢鼻下二寸旁陷者中○刺四分灸五壯

主治風痺膝內腫痛引臏不可屈伸及寒濕走注白
虎歷節風痛不能舉動咽喉中痛

曲泉 在膝內輔骨下大筋上小筋下陷中屈膝橫文
頭取之○足厥陰所入為合○刺六分留七呼灸三
壯

主治癘疰陰股痛小便難少氣泄痢膿血腹脇支滿
膝痛筋攣四支不舉不可屈伸風勞失精身體極
痛膝脛冷陰莖痛實則身熱目痛汗不出目眈眈

發狂衄血喘呼痛引咽喉女子陰挺出少腹痛陰

癢血瘕

千金云男子失精膝脛冷疼灸百壯

席弘賦云無照海陰交更求氣海關元同寫治七疝
小腹痛神效

陰包 在膝上四寸股內廉兩筋間蹠足取之看膝內

側有槽者中○足厥陰別走者○刺六分灸三壯七

壯

主治腰尻引小腹痛小便難遺尿月水不調

五里 在氣衝下三寸陰股中動脈應手千金翼曰在

陰廉下二寸○刺六分灸五壯

主治腸風熱閉不得溺風勞嗜臥四支不能舉

陰廉 在羊矢下斜裏三分直上去氣衝二寸動脈陷

中 羊矢在陰旁股內約文縫中皮肉間有核如羊矢 ○刺八分留三呼灸三

壯

主治婦人不妊若經不調未有孕者灸三壯即有子

急脉 氣府論曰厥陰毛中急脉各一 王氏註曰在陰
毛中陰上兩旁相去同身寸之二寸半按之隱指堅
然甚按則痛引上下其左者中寒則上引少腹下引
陰丸善為痛為小腹急中寒此兩脉皆厥陰之大絡
通行其中故曰厥陰急脉即臛之系也可灸而不可
刺病疝小腹痛者即可灸之○按此穴自甲乙經以
下諸書皆無是遺誤也經脉篇曰足厥陰循股陰入
毛中過陰器又曰其別者循脛上臛結於莖然此實

厥陰之正脉而會於陽明者也今增入之

章門

一名長平
一名脇膠

在大橫外直臍季肋端側臥屈上足

伸下足舉臂取之一云肘尖盡處是穴一云在臍上

一寸八分兩旁各八寸半季肋端一云在臍上二寸

兩旁各六寸寸法以胸前兩乳間橫折八寸約取之

○脾之募也○為藏之會○足厥陰少陽之會○刺

六分留六呼灸三壯一云百壯

主治兩脇積氣如卵石膨脹腸鳴食不化胸脇痛煩

熱支滿嘔吐欬喘不得臥腰脊冷痛不得轉側肩
臂不舉傷飽身黃瘦弱泄瀉四支懈墮善恐少氣
厥逆

難疏曰藏會季肋藏病治此

千金云奔豚積聚堅滿脹痛吐逆不下食腰脊冷疼
小便白濁灸脾募百壯三報之○又治狂走癲癩
灸三十壯○又尿血灸百壯○又治石水灸然谷
氣衝四滿章門

百證賦云治胸脇支滿

一傳治久瀉不止癖塊脹疼

期門 在不容旁一寸五分上直乳第二肋端○肝之

募也○足厥陰太陰陰維之會○刺四分灸五壯七

壯

主治傷寒胸中煩熱奔豚上下目青而嘔霍亂瀉痢

腹鞭胸脇積痛支滿嘔酸善噫食不下喘不得臥

○一婦人患傷寒熱入血室醫者不識許學士曰

小柴胡以遲當刺期門予不能鍼請善鍼者鍼之
如言而愈

千金云主奔豚灸百壯上氣欬逆胸滿痛徹胸背灸
巨闕期門各五十壯

玉龍賦云兼大敦能治堅疝疝氣

席弘賦云期門穴主傷寒患六日過經猶未汗但向
乳根二肋間又治婦人坐產難

百證賦云無溫溜治傷寒項強

通玄賦云期門退胸滿血膨而可止

天星秘訣云無三里治傷寒過經不出汗

捷徑云治產後噎

任脉穴

任脉穴歌

任脉中行二十四會陰潛伏兩陰間曲骨之前中極
在關元石門氣海邊陰交神闕水分處下脘建里中
腕前上腕巨闕連鳩尾中庭臙中玉堂裏紫宮華蓋

運璇璣天突廉泉承漿止

會陰

一名屏翳

在大便前小便後兩陰之間○任脉別絡

俠督脉衝脉之會○一云任督衝三脉所起任由此而行腹督由此而行背衝由此而行少陰之分○刺二寸留三呼灸三壯一日禁刺惟卒死者鍼一寸補之溺死者令人倒馱出水用鍼補之尿管出則活餘不可鍼

主治陰汗陰中諸病前後相引痛不得大小便穀道

病久痔相通男子陰寒衝心女子陰門痛經不通
一傳治婦人產後昏迷不省人事

曲骨 在橫骨上中極下一寸毛際陷中動脈○任脈
足厥陰之會○刺一寸五分留七呼灸三壯一日刺
八分灸七壯至七七壯

主治小腹脹滿水腫小便淋澁血瘕癢疝小腹痛失
精虛冷婦人赤白帶下

千金云水腫脹灸百壯

中極

一名玉泉
一名氣原

在臍下四寸○膀胱募也○足三陰

任脉之會○刺八分留十呼灸三壯一日可灸百壯

至三百壯○孕婦不可灸

主治陽氣虛憊冷氣時上衝心尸厥恍惚失精無子

腹中臍下結塊水腫奔豚疝瘕五淋小便赤澁不

利婦人下元虛冷血崩白濁因產惡露不行胎衣

不下經閉不通血積成塊子門腫痛轉脬不得小

便

神農經云治血結成塊月水不調產後惡露不止臍
下積聚疼痛血崩不止可灸十四壯

太乙歌云無氣海中極三里刺治小腹便澀

千金云妊不成數墮落灸玉泉五十壯二報之○又
云為婦人斷緒最要穴○又云腹脹水腫堅滿灸
百壯○又云腰痛小便不利轉胞灸七壯

關元

一名次門
一名下紀

在臍下三寸○此穴當人身上下四

旁之中故又名大中極乃男子藏精女子畜血之處

○小腸募也○足三陰陽明任脉之會○刺八分留
七呼灸七壯甲乙經云刺二寸氣府論註曰刺一寸
二分一曰可灸百壯至三百壯○千金曰婦人刺之
則無子

主治積冷諸虛百損臍下絞痛漸入陰中冷氣入腹
少腹奔脉夜夢遺精白濁五淋七疝洩血小便赤
溢遺瀝轉胞不得溺婦人帶下瘕聚經水不通不
妊或妊娠下血或產後惡露不止或血冷月經斷

絕○一云但是積冷虛乏皆宜灸孕婦不可鍼鍼之則落胎如不落更鍼崑崙則立墜○一云治陰證傷寒及小便多婦人赤白帶下俱當灸此多者千餘壯少亦不下二三百壯活人多矣然須頻次灸之仍下蕪三里故曰若要丹田安三里不曾乾神農經曰治疰癘氣痛可灸二十一壯

千金云治癘癘灸五十壯○又火痢百治不瘥灸三百壯分十日灸之并治冷痢腹痛及臍下結痛流

入陰中發作無時仍灸天井百壯○又治霍亂灸
三七壯○又治氣淋石淋癩疔及臍下三十六種
疾灸五十壯至百壯○又云胞門閉塞絕子灸關
元三十壯報之

玉龍賦云合湧泉豐隆為治尸勞之例○又云無帶
脉多灸堪攻腎敗

席弘賦云治小便不禁○又云無照海陰交曲泉氣
海同寫治七疝痛如神

百證賦云無子收陰交石關之鄉

一傳治婦人產後血氣痛子宮不成胎

石門

一名命門一名丹田
一名精露一名利機

在臍下二寸○三焦募也

刺六分留七呼灸五壯一曰灸二七壯至百壯一

云不宜多灸令人敗傷○婦人禁刺灸犯之終身

絕孕

主治腹脹堅靱水腫支滿氣淋小便黃赤不利小腹
痛泄瀉不止身寒熱欬逆上氣嘔血卒疝疼痛婦

人因產惡露不止遂結成塊崩中漏下血淋

千金云大腸閉寒氣結心下堅滿灸百壯○又治少
腹絞痛洩痢不止灸丹田百壯三報之○又治血
淋灸隨年壯○又治水腫人中滿灸百壯

一傳欲絕產灸臍下二寸三分陰動脈中三壯

氣海

一名膈肭
一名下育

在臍下一寸半宛宛中○育之原也

為男子生氣之海○刺八分灸五壯甲乙經曰刺一
寸三分一曰灸百壯○孕婦不可灸

主治下焦虛冷上衝心腹或為嘔吐不止或陽虛不
足驚恐不臥奔豚七疝小腸膀胱癥瘕結塊狀為
覆杯臍下冷氣陽脫欲死陰證傷寒卵縮四肢厥
冷小便赤澁羸瘦白濁婦人赤白帶下月事不調
產後惡露不止統臍疔痛小兒遺尿○一云治卒
厥厥氣上攻兩脇心下痛奄奄欲絕此名奔豚先
以熱湯洗兩足浸良久灸百壯○此氣海也凡藏
氣憊一切真氣不足久疾不瘥者悉皆灸之

千金云治水洩痢及小腹癥積腹脹婦人癥聚瘠瘦
灸氣海百壯三報之

玉龍賦云無璇璣治疔羸喘促

席弘賦云治五淋須更鍼三里○又無水分治水腫

○又無照海陰交曲泉關元同寫治七疝小腹痛

如神

百證賦云鍼三陰與氣海專司白濁久遺精

靈光賦云無血海療五淋

一傳治小腸氣痛傷寒腹痛氣脹水鼓黃腫四時宜
多灸

昔柳公度曰吾養生無他術但不使元氣佐喜怒使
氣海常溫爾今人既不能不以元氣佐喜怒若能
時灸氣海使溫亦其次也予舊多病常若氣短醫
者教灸氣海氣遂不促自是每歲一二次灸之則
以氣怯故也

陰交

一名少開
一名橫尸

在臍下一寸一日當膀胱上際○三

焦募也○任衝少陰之會○刺八分灸五壯一日灸百壯○孕婦不可灸

主治衝脉生病從少腹衝心而痛不得小便疝痛陰

汗濕癢奔豚腰膝拘攣婦人月事不調崩中帶下

陰癢產後惡露不止統臍冷痛

神農經云治臍下冷疼可灸二十一壯

千金云大小便不通灸三壯轉胞灸隨年壯○又治

水腫氣上下灸百壯

玉龍賦云無三里水分治鼓脹

席弘賦云無照海曲泉關元氣海同寫治七疝小腹

痛如神○又云治小腸氣撮痛連臍急寫此穴更

於湧泉取氣甚妙○又云無百會太衝照海治咽

喉疾

標幽賦云陰交陽別定血暈

百證賦云無三里治中邪霍亂○又云無子取陰交

石關之鄉

一傳治腹內風寒走痛脹疼

神闕

一名
臍舍

當臍中○灸三壯禁刺刺之令人惡瘍潰

矢死不治一日納炒乾淨鹽滿臍上加厚薑一片蓋
定灸百壯或以川椒代鹽亦妙

主治陰證傷寒中風不省人事腹中虛冷傷憊腸鳴
泄瀉不止水腫鼓脹小兒乳痢不止腹大風癩角
弓反張脫肛婦人血冷不受胎者灸此永不脫胎

○此穴在諸家俱不言灸只云禁鍼銅人云宜灸

百壯有徐平者卒中不省得桃源為灸臍中百壯始甦更數月復不起鄭糾云有一親卒中風醫者為灸五百壯而甦後年逾八十向使徐平灸至三百壯安知其不永年耶故神闕之灸須填細鹽然後灸之以多為良若灸至三百壯不惟愈疾亦且延年若灸少則時或暫愈後恐復發必難救矣但夏月人神在臍乃不宜灸

千金云納鹽臍中灸三壯治淋病○又云凡霍亂納

鹽臍中灸二七壯并治脹滿

水分

一名分水
一名中守

在下腕下一寸臍上一寸○當小腸

下口至是而泌別清濁水液入膀胱渣滓入大腸故
曰水分○禁刺灸五壯甲乙經曰刺一寸○孕婦不
可灸

主治水病腹堅黃腫如鼓衝胃不得息統臍痛腸鳴
泄瀉小便不通小兒陷顛○若水病脹滿堅鞭不
能食灸之大良日七壯至四百壯止但不可刺刺

而水盡即死

神農經云腹脹水腫可灸十四壯至二十一壯

千金云治反胃吐食灸二十壯○又治腹脹統臍結痛堅不能食灸百壯○又霍亂轉筋入腹欲死用四人持其手足灸四五壯自不動即勿持之灸至

十四壯

太乙歌云腹脹寫此兼三里陰谷利水消腫

玉龍賦云無陰交三里治鼓脹

百證賦云兼陰陵能去水腫盈臍

席弘賦云兼氣海治水腫

天星秘訣云兼建里治肚腹浮腫脹膨膨

下腕 在建里下一寸臍上二寸○當胃下口小腸上
口足太陰任脉之會○刺八分灸五壯一曰二七壯
至百壯○孕婦不可灸

主治臍上厥氣堅痛腹脹滿寒穀不化虛腫癰塊連
臍瘦弱少食飜胃小便赤

靈光賦云無中腕治腹堅

百證賦云無陷谷能平腹內腸鳴

建里 在臍上三寸中腕下一寸○刺五分留十呼灸

五壯一云宜鍼不宜灸孕婦尤忌之

主治腹脹身腫心痛上氣腸鳴嘔逆不食

千金云主霍亂腸鳴腹脹可刺八分寫五吸疾出鍼

日灸二十七壯至百壯

百證賦云無內關掃盡胃中之苦悶

天星秘訣云兼水分治肚腹腫脹

中脘

一名太倉一名胃脘一名上紀

在上脘下一寸臍上四寸居歧

骨與臍之中○胃之募也○為府之會 手太陽少

陽足陽明所生任脉之會○刺八分灸七壯一云二七壯至百壯孕婦不可灸

主治心下脹滿傷飽食不化五隔五噎齟胃不食心脾煩熱疼痛積聚痰飲面黃傷寒飲水過多腹脹氣喘溫瘧霍亂吐瀉寒熱不已或因讀書得奔豚

氣上攻伏梁心下寒癖結氣凡脾冷不可忍心下
脹滿飲食不進不化氣結疼痛雷鳴者皆宜灸之
此為府會故凡府病者當治之

千金云虛勞吐血嘔逆不下食多飽多睡百病灸三百壯
○又治脹滿水腫氣聚寒冷灸百壯三報之○又治奔
豚伏梁冷氣刺八分留七呼寫五吸仍日灸二七至四百
壯○又主五毒注不能食飲灸至千壯○又治霍亂先腹
痛灸二七壯不瘥更二七壯○又治中惡灸五十壯

玉龍賦云無腕骨療脾虛黃疸○又云合上腕治九種心疼

百證賦云主治積痢

靈光賦云兼下腕治腹堅

捷徑云治食噎

上腕 在巨闕下一寸五分去蔽骨三寸臍上五寸○
足陽明手太陽任脉之會○刺八分留七呼吸灸五壯
千金云日灸二七壯至百壯三報之孕婦不可灸

主治心中煩熱痛不可忍腹中雷鳴飲食不化霍亂
翻胃嘔吐三焦多涎奔豚伏梁氣脹積聚黃疸心
風驚悸嘔血身熱汗不出

神農經云治心疼積塊嘔吐可灸十四壯

玉龍賦云合中腕治九種之心疼

太乙歌云兼豐隆刺治心疼嘔吐傷寒吐虺

百證賦云合神門治發狂奔走

捷徑云治風癩熱病虺蟲心痛

巨闕 在鳩尾下一寸○心之募也○刺六分留七呼
灸七壯一日刺三分灸七七壯

主治上氣欬逆胃滿氣短九種心疼冷痛引少腹虵
痛痰飲欬嗽霍亂腹脹恍惚發狂黃疸中隔不利
煩悶卒心痛尸厥蠱毒息賁嘔血吐痢不止牛癩
千金云治吐逆不下食灸五十壯上氣胃滿牽背徹
痛灸五十壯若霍亂心痛先吐灸二七壯未愈再
二七壯○又治卒忤灸百壯

神農經云治心腹積氣可灸十四壯○又云治小兒諸癩病如口噦吐沫可灸三壯艾炷如小麥

百證賦云無刺臆中能除膈痛飲蓄難禁

鳩尾

一名鬲髁
一名尾翳

在臆前蔽骨下五分人無蔽骨者從

歧骨際下行一寸甲乙經曰一寸半○膏之原也○

禁刺灸一云可刺三分灸三壯此穴大難下鍼非甚

妙高手不可輕刺也

主治心驚悸神氣耗散癲癇狂病

席弘賦云鳩尾能治五般癩若下湧泉人不死

中庭 在臚中下一寸六分陷中仰而取之○刺三分

灸五壯

主治胃脇支滿噎塞吐逆食入還出小兒吐乳

臚中

一名元兒一名上氣海

在玉堂下一寸六分橫兩乳間陷

中仰臥取之○禁刺灸七壯刺之不幸令人夭甲乙

經曰刺三分

主治一切上氣短氣痰喘咳嗽欬逆噎氣隔食反胃

喉鳴氣喘肺癰嘔吐涎沫膿血婦人乳汁少○此
氣之會也凡上氣不下及氣噎氣隔氣痛之類均

宜灸之

神農經云上氣喘欬可灸七壯

千金云胃痺心痛灸百壯上氣欬逆灸五十壯

玉龍賦云兼天突醫喘嗽

百證賦云兼巨闕鍼之能除膈痛蓄飲難禁

一傳治傷寒風痰壅盛

玉堂

一名玉英

在紫宮下一寸六分陷中仰而取之○刺

三分灸五壯一云少灸

主治胃膈滿痛心煩欬逆上氣喘急不得息喉痺咽

壅水漿不入嘔吐寒痰

百證賦云無幽門能治煩心嘔吐

紫宮 在華蓋下一寸六分陷中仰而取之○刺三分

灸五壯

主治胃脇支滿膈痛喉痺咽壅水漿不入欬逆上氣

吐血煩心

華蓋 在璇璣下一寸陷中仰而取之○刺三分灸五

壯

主治欬逆喘急上氣哮喘喉痺胃脇滿痛水飲不下
神農經云治氣喘欬嗽胃滿喘逆不能言語可灸七

壯

百證賦云蕪氣戶治脇肋疼痛

璇璣 在天突下一寸陷中仰而取之○刺三分灸五

壯

主治胃脇滿欬逆上氣喘不能言喉痺咽腫水飲不

下

玉龍賦云無氣海治疔羸喘促

席弘賦云治胃中有積兼三里功多

百證賦云無神藏治膈滿項強已試

天突

一名玉戶

在結喉下三寸宛宛中○陰維任脉之會

○刺五分留三呼灸二壯甲乙經曰低頭取之刺入

一寸

主治上氣哮喘欬嗽喉痺五噎肺癰吐咯膿血咽腫
暴瘖身寒熱咽乾舌下急不得下食

神農經云治氣喘欬嗽可灸七壯

玉龍賦云無腫中醫欬嗽

靈光賦云治喘痰

百證賦云無肺俞治欬嗽連聲

千金云治上氣氣悶咽塞聲壞灸五十壯

廉泉

一名本池
一名舌本

在頷下結喉上中央舌本下仰而取

之○陰維任脉之會○按刺瘧論所載曰舌下兩脉者廉泉也氣府論曰足少陰舌下各一衛氣篇曰足少陰之標在背膂與舌下兩脉然則廉泉非一穴當是舌根下之左右泉脉而且為足少陰之會也○刺三分留三呼灸三壯

主治欬嗽喘息上氣吐沫舌縱舌下腫難言舌根急縮不食涎出口瘡

百證賦云無中衝堪攻舌下腫痛

承漿

一名天池
一名懸漿

在頤前下脣稜下陷中○足陽明任

脉之會○刺二分留五呼灸三壯

主治偏風半風不遂口眼喎斜口禁不開暴瘖不能
言刺三分徐徐引氣而出及治任之為病其苦內
結男子為七疝女子為瘕聚○一云療偏風口喎
面腫消渴飲水不休口齒疳蝕生瘡灸之亦佳日
可七壯至七七壯止即血脉宣通其風應時立愈

艾炷不必大但令當脉即能愈疾

千金云小兒脣紫灸三壯○又云凡噦令人惋恨灸
七壯炷如小麥○又十三鬼穴云此名鬼市治百
邪癲狂當在第八次下鍼

百證賦云寫牙疼而即移

通玄賦云治頭項強

督脉穴

督脉穴歌

督脉行背之中行二十八穴始長強腰俞陽關入命
門懸樞脊中中樞長筋縮至陽歸靈臺神道身柱陶
道開大椎瘕門連風府腦戶強間後頂排百會前頂
通顙會上星神庭素髻對水溝兌端在脣上斷交上
齒縫之內

凡取脊間督脉諸穴當於骨節突處取之但驗於
魚骨為可知也若取於節下必不見效

長強

一名氣之陰郄一名振骨
靈樞謂之窮骨亦名骨骺

在脊骺骨端伏地取

之○督脉之絡別走任脉足少陰所結○刺二分留
七呼灸三壯甲乙經曰刺三分一云日灸三十壯至
二百壯止忌冷食房勞

主治腰脊強急不可俛仰狂病大小便難腸風下血
五痔五淋下部疳蝕洞泄失精嘔血小兒顛陷驚
癇瘕癡脫肛瀉血此穴為五痔之本○一經驗治
少年注夏羸瘦灸此最效

千金翼云治赤白下痢灸窮骨頭百壯多多惟佳

○又下漏五痔瘡蟲食下部刺三分伏地取之以
大痛為度灸亦良日三十壯至七日止但不及鍼
○又灸尾翠骨七壯治脫肛神良千金作龜尾即
窮骨也

玉龍賦云兼承山灸痔最妙

席弘賦云連大杼行鍼治小腸氣痛○又云小兒脫
肛患多時先灸百會後長強

百證賦云兼百會穴專治脫肛○又云刺長強與承

山善主腸風新下血

靈光賦云百會龜尾治痢疾

天星秘訣云兼大敦治小腸疝氣

腰俞

一名要柱一名背解
一名腰戶一名髓空

在二十一椎節下間宛宛

中○刺二分留七呼灸五壯一日刺五分灸七七壯

主治腰脊重痛不得俛仰舉動腰以下至足冷痺不

仁強急不能坐臥灸隨年壯溫瘧汗不出婦人經

閉溺赤灸後忌房勞強力

千金云腰卒痛去窮骨上一寸灸七壯者即此

席弘賦云兼環跳燒鍼治冷風冷痺

陽關

在十六椎節下間伏而取之

甲乙經無此穴

○刺五分

灸三壯

主治膝痛不可屈伸風痺不仁筋攣不行

命門

一名傷累

在十四椎節下間伏而取之一云平臍用

綿牽而取之○刺五分灸三壯一日刺三分灸二十

七壯若年二十以上者灸恐絕子

主治腎虛腰痛赤白帶下男子泄精耳鳴手足冷痺
攣疝驚恐頭眩頭痛如破身熱如火骨蒸汗不出
痰瘧瘵瘵衰急腹痛

千金云腰痛不得動者令病人正立以竹杖拄地度
至臍乃取杖度背脊灸杖頭盡處隨年壯良丈夫
痔漏下血脫肛不食長洩痢婦人崩中去血帶下
淋濁赤白皆灸之此俠兩傍各一寸橫三間寸灸
之

神農經云治腰痛可灸七壯

玉龍賦云治老人便多兼腎俞著艾

標幽賦云兼肝俞能使瞽士視秋毫之末

一俗傳以此穴灸寒熱多效

懸樞 在十三椎節下間伏而取之○刺三分灸三壯

五壯

主治腰脊強不得屈伸腹中積氣上下疼痛水穀不

化瀉痢不止

脊中

一名神宗
一名脊俞

在十一椎節下間俛而取之○刺五

分禁灸灸則令人僂

主治風癩癩邪腹滿不食五痔積聚下痢小兒痢下

赤白秋末脫肛每廁則肛痛不可忍者灸之亦無

妨

中樞 在第十椎節下間俛而取之○此穴諸書皆失

之惟氣府論督脉下王氏註中有此穴及考之氣穴

論曰背與心相控而痛所治天突與十椎者其穴即

此○刺五分禁灸灸之令人腰背偻○一傳云此穴能退熱進飲食可灸三壯常用常效未見偻

筋縮 在九椎節下間俛而取之○刺五分灸三壯五

壯

主治癲疾驚狂脊強風癩目上視

百證賦云無水道專治脊強

至陽 在七椎節下間俛而取之○刺五分灸三壯

主治腰脊強痛胃中寒不食少氣難言脅支滿羸

瘦身黃淫灤脛痠四支重痛寒熱解休○一云灸
三壯治喘氣立已

神農經云治寒熱脛痠四支重痛欬嗽可灸三壯至
七壯

玉龍賦云却疸治神疲

靈臺 在六椎節下間俛而取之○刺三分灸三壯○
甲乙經無此穴出氣府論註

主治今俗以灸氣喘不能臥及風冷久嗽火到便愈

神道 在五椎節下間俛而取之○刺五分留五呼灸

五壯一日可灸七七壯至百壯禁鍼

主治傷寒頭痛寒熱往來痰瘧悲愁健忘驚悸牙車
急張口不合小兒風癇瘈瘲可灸七壯

百證賦云無心俞治風癇常發自寧

身柱 在三椎節下間俛而取之○刺五分留五呼灸
五壯一日灸七七壯

主治腰脊痛癲癇狂走怒欲殺人瘈瘲身熱妄言見

鬼小兒驚癇

神農經云治欬嗽可灸十四壯

玉龍賦云能蠲嗽除膺痛

百證賦云無本神穴治癩疾妙

乾坤生意云同陶道肺俞膏肓治虛損五勞七傷緊
要法

一傳治四時傷寒

陶道 在大椎節下間俛而取之○督脉足太陽之會

○刺五分留五呼灸五壯一日刺三分

主治痰瘧寒熱洒淅脊強煩滿汗不出頭重目瞑瘵
癡恍惚不樂

乾坤生意云兼身柱肺俞膏肓治虛損五勞七傷

百證賦云無中膂俞治歲熱時行

一傳此穴善退骨蒸之熱

大椎

一名百勞

在第一椎上陷者中一日平肩○手足三

陽督脉之會○刺五分留五呼灸五壯一云以年為

壯○大椎為骨會骨病者可灸之

主治五勞七傷之力風勞食氣痲瘧久不愈肺脹脇
滿嘔吐上氣背膊拘急項頸強不得回顧○一云
能寫胃中之熱及諸熱氣若灸寒熱之法先大椎
次長強以年為壯數○一云治身痛寒熱風氣痛
○一云治衄血不止灸二三十壯斷根不發

千金云凡瘧有不可瘥者從未發前灸大椎至發時
滿百壯無不瘥○又云諸煩熱時氣溫病灸大椎

百壯刺三分寫之○又治氣短不語灸隨年壯○
又治頸癭灸百壯及大椎兩邊相去各一寸半少
垂下各三十壯

玉龍賦云百勞止虛汗

神農經云治小兒急慢驚風

竇太師治諸虛寒熱灸此

捷徑云治熱不至肩

時傳以此治百病

瘖門

一名瘖門一名舌瘖一名舌橫

在項後入髮際五分宛宛中仰

頭取之○督脉陽維之會入系舌本○刺二分不可

深禁灸灸之令人啞

主治頸項強急不語諸陽熱盛衄血不止脊強反折

瘖瘖癩疾頭風疼痛汗不出寒熱風瘖中風尸厥

暴死不省人事

百證賦云無關衝治舌緩不語為緊要

風府

一名舌本

在項上入髮際一寸大筋內宛宛中疾言

其肉立起言休其肉立下○督脉陽維之會○熱論
曰巨陽者諸陽之屬也其脉連於風府○刺三分留
三呼禁灸則令人瘖

主治中風舌緩暴瘖不語振寒汗出身重偏風半身
不遂傷風頭痛項急不得回顧目眩反視鼻衄咽
痛狂走悲恐驚悸欲自殺○一云主寫胃中之熱
與大杼缺盆中府同

席弘賦云風府風池尋得到傷寒百病一時消○又

云陽明二日尋風府○又云從來風府最難尋
用功夫度淺深倘若膀胱氣未散更宜三里穴中
尋

通玄賦云風傷項急求風府

一傳治感冒風寒嘔吐不止

千金云邪病臥冥冥不自知風府主之○又十三鬼
穴云此名鬼枕治百邪癲狂當在第六次下鍼

腦戶

一名匝風一名
會顛一名合顛

在枕骨上強間後一寸五分一

曰在髮際上二寸○督脉足太陽之會○禁刺灸刺
中腦戶入腦立死亦不可灸令人瘖

強間

一名大羽

在後頂後一寸五分○刺二分灸五壯一

曰禁灸

主治頭痛項強目眩腦旋煩心嘔吐涎沫狂走

百證賦云無豐隆治頭痛難禁

後頂

一名交衝

在百會後一寸五分枕骨上○刺二分灸

五壯

主治頸項強急額顛上痛偏頭痛惡風目眩不明

百會

一名三陽五會一名巔上一名天滿

在前頂後一寸五分頂中央

旋毛心容豆許直兩耳尖上對是穴○督脉足太陽

之會手足少陽足厥陰俱會於此○刺二分灸五壯甲

乙經曰刺三分灸三壯一曰灸頭頂不得過七七壯

主治頭風頭痛耳聾鼻塞鼻衄中風言語蹇滯口噤

不開或多悲哭偏風半身不遂風癇卒厥角弓反

張吐沫心神恍惚驚悸健忘痰瘧女人血風胎前

產後風疾小兒風癇驚風脫肛久不瘥○一曰百病皆治宜刺此二分得氣即寫若灸至百壯停三五日後遠四畔用三稜鍼出血以井花水淋之令氣宣通否則恐火氣上壅令人目暗○一曰治悲笑欲死四肢冷氣欲絕身口溫可鍼人中三分灸百會三壯即甦

史記載扁鵲治虢太子尸蹙鍼取三陽五會而甦神農經云治頭風可灸三壯小兒脫肛可灸三壯至

五壯艾炷如小麥

玉龍賦云無顛會治卒暴中風

靈光賦云無龜尾治痢疾

席弘賦云小兒脫肛患多時先灸百會後尾骶○又云無太衝照海陰交治咽喉疾

前頂 在顛會後一寸五分骨陷中一云在百會前一寸○刺二分灸五壯一日灸七七壯

主治頭風目眩面赤腫小兒驚癇瘈瘲鼻多清涕頭

項腫痛

神農經云治小兒急慢驚風可灸三壯艾炷如小麥
百證賦云無水溝治面腫虛浮

顛會 在上星後一寸陷中○刺二分灸五壯一日灸
二七至七七壯○小兒八歲以前禁鍼蓋其顛門未
合刺之不幸令人夭

主治腦虛冷痛頭風腫痛項痛飲酒過多頭皮腫風
癩清涕○一云治目眩面腫鼻塞不聞香臭驚癩

戴目昏不識人可灸二七壯至七七壯初灸即不
痛病去即痛痛即罷灸若是鼻塞灸至四日漸退
七日頓愈鍼入二分留三呼得氣即寫頭風生白
屑多睡鍼之彌佳鍼訖以末鹽生麻油和指髮
根下即頭風永除

神農經云治頭風疼痛可灸三壯小兒急慢驚風灸
三壯炷如小麥

千金云邪病鬼癩白上主之一名鬼門

玉龍賦云無百會治卒暴中風

百證賦云連玉枕療頭風

上星

一名神堂

在鼻直上入髮際一寸陷者中可容豆○

刺三分留六呼灸五壯一云宜三稜鍼出血以寫諸陽熱氣

主治頭風頭痛頭皮腫面虛惡寒痲瘡寒熱汗不出
鼻血臭涕鼻塞不聞香臭目眩睛痛不能遠視以
細三稜鍼刺之即宣泄諸陽熱氣無令上衝頭目

千金云鼻中息肉灸二百壯○又云無大椎灸瘧至
發時令滿百壯炷如黍米○又治鬼魅灸百壯○
又十三鬼穴此名鬼堂主百邪癲狂當在第十次

下鍼

玉龍賦云治頭風鼻淵

神庭 直鼻上入髮際五分髮高者髮際是穴髮低者
加二三分○督脉足太陽陽明之會○灸三壯禁刺
刺之令人癲狂目失明一日灸七壯至三七壯止

主治發狂登高妄走風癇癲疾角弓反張目上視不識人頭風鼻淵流涕不止頭痛目淚煩滿喘喝驚悸不得安寢

玉龍賦云專理頭風

素膠

一名面玉

在鼻端準頭○刺一分禁灸

主治鼻中瘰肉不消喘息不利多涕嗚啞衄血一日治酒酢風用三稜鍼出血

水溝

一名人中

在鼻下人中陷中○督脉手足陽明之會

○刺三分留六呼得氣即寫灸三壯至七壯炷如小麥然灸不及鍼

主治中風口噤牙關不開卒中惡邪鬼擊不省人事
癲癇卒倒消渴多飲水氣偏身浮腫瘟疫口眼喎
僻俱宜刺之若風水面腫鍼此一穴出水盡即頓
愈○一云水氣腫病但宜鍼此三分徐徐出之以
泄水氣若鍼他穴水盡則死

神農經云治小兒急慢驚風可灸三壯炷如小麥

玉龍賦云無曲池穴治痿仆○又云無委中穴治腰脊閃痛○又云合大陵頰寫之全除口氣

席弘賦云人中治癩功最高十三鬼穴不須饒

千金云此穴為鬼市治百邪癩狂此當在第一次下
鍼凡人中惡先掐鼻下是也鬼擊卒死者須即灸
之

百證賦云無前頂治面腫虛浮

靈光賦云水溝無間使治邪癩

兌端 在上脣端○甲乙經曰手陽明脈氣所發○刺
二分留六呼灸三壯炷如大麥

主治癩癩吐沫齒齲痛消渴衄血口噤口瘡臭穢不
可近

百證賦云小便赤澁兌端獨寫大陽經

斷交

斷音銀
齒根肉


在脣內上齒縫中○任督二經之會○

刺三分逆刺之灸三壯

主治面赤心煩痛鼻生瘰肉不消頭額中痛頸項強

目淚多眇赤痛牙疳腫痛小兒面瘡久癬不除點
烙亦佳

百證賦云專治鼻痔



類經圖翼卷八